

Qanoq iliornikkut pitsaanerusemik Qimminut nerukkaatissanik qulakkeerinnittoqarsinnaanera pillugu apeqquaqat aallaavigalungu oqallisissiaq.

(Inatsisartunut ilaasortaq, Jakob Skade, Kattusseqatigiit Partiiat)

Akissuteqaat

(Inuussutissarsiornermut Suliffeqarnermullu Naalakkersuisoq)

Piniartoqarfiusuni piniartut/aalisartut silaannaap pissusaa peqquaatillugu ukiuni kingulliuneruseuni qimmit nerukkaatissaannik pissarsiniartarnertik ajornartorsiutigisarsimavaat, soorlu kingusissukkut sikusarnera sikuaartarneralu peqquqatigalugit. Kalaallit Nunaata avannarpassissuani aarrit neqaat kinguaariippassuarni qimminut nerukkaatigineqartarput.

Oqallisissiaq soqutiginarloq Jakob Skade'p saqqummiuppaa. Qimmit nerukkaatissaannik tunisassiorneqarpoq oqallisissiamut atatillugu Naalakkersuisut ilisimatitsissutigissavaat, nalunaarusiaq KANUKOKA-mit saqqummiunneqarsimammat. Nalunaarusiami erseqqissaatigineqarpoq, aalisakkerivoreersunut il.il. uiggiullugu tunisassiorfiit nuunneqarsinnaasut imaluunniit uninngaannartut ammarsinnaanerat imminnut akilersinnaasut, naak tunisassiasat ilaat nerukkaatissat atorsinnaassusiinik il.il. pitsanngorsaataasussat nunanit allanit eqqunneqartussaagaluartut. Nalunaarusiami aamma eqqaaneqarpoq, sumiiffinni ataasiakkaani tunisassiornerup akikillisaataasinnaaneranut tunisassianik avammut tuniniaanissaq periarfissaqarsinnaasooq.

Inuussutissarsiornermik siuarsaanermi suleqatigiissitaasimasumit aningaasat atorlugit isorliuneruseuni eqalussuit nerpiinik pisiortorluni qimminut nerukkaatissat misililineqarsimavoq. Nerpiit ikaani panerserineqartarsimapput, pisiarinerinilu akiisa assinginiq piniartunut tuniniarneqartarlutik. Siunertamut 50.000 kr.-nik immikkoortitsineqarsimavoq. Pisiortorneq tuniniaanerlu Qaanaap Kommuniata teknikkimut ingerlatsiviata isumagisarsimavaa. Isorliuneruseuni Inuussutissarsiornermik siuarsaanermi suleqatigiissitaq 2008-p naalernerani taamaattummat, sumiiffimmi piniartut peqatigiiffiata aarrip neqaanik, puisit neqaanik qalerallinnillu pisiortorneq tuniniaanerlu nammineerluni isumagilersimavaa. Misileraallunili aaqqiineq suli annikitsumik ingerlavoq. Taamaammatt piniartut qimminut nerukkaatissat avataanit tikisitanik tapertaqartittarpaat.

Qangaanerusoq Ilulissani qalerallerivik illoqarfimmi qimmiutilinnut qalerallit perlukuinik pilersuisarsimavoq. Aalisakkat perlukui akikitsunngorlugit aalisakkerivimmit pisiarineqarsinnaasarsimapput, qaleralleriviulli Qasigiannuanut nuunneqarnerata kingorna Ilulissani qimmiutilinnut periarfissaq tamanna soorunami atorunnaarsimavoq, maannali Qasigiannuani qimmiutilinnut atuulluni. Periarfissaasinnaavoq Qasigiannuani qalerallerivik qalerallit perlukuinik panertulivissanik ikaanik pilersitsippat, tunisassiallu Qeqertarsuup tunuamiunut tamanut qimuttunik qimmeqarfiusuni akikitsunngorlugit tuniniarlugit, immaqalu qimminik qimuttoqarfiusunut allanut aamma tuniniarlugit. Periarfissaq peqataasinnaasunut misissorluagassatut pilinarpoq, soorlu qimmiutillit peqatigiiffiit, aalisakkerivinnut, namminersorlutillu inuussutissarsiutinik ingerlatalinnut. Suliniutinut taamaattunut

Namminersorlutik Oqartussat tapiissuteqarnissamut aaqqiissutininik assigiinngitsunik peqarpoq, soorlu tunisassianik ineriartortitsinerimut tapiissutininik kiisalu suliffeqarfimmik aallarnisaanissamut atatillugu siunnersuinerit ineriartortitsinerillu nunap immikkoortukkaavini inuussutissarsiornermut siunnersuisarfiit kiisalu Kalaallit Nunaanni Takornariartitsinerimut Inuussutissarsiornermullu siunnersuisooqatigiit akeqanngitsunik periarfissiissutigisartagaat.

Taamattaaq Naalakkersuisut ilisimatitsissutigisinnaavaat suliffeqarfik pilersinneqaqqammersoq Greenland Company, imminut napatissinnaasumik eqalussuit amiinik tunisassiornermik immikkut sammisaqalersimasoq, eqalussuaq tamaat atorluarnissaannik siunertaqarmat, ilaatigut aamma qimmit nerukkaatissaannut. Tamanna periarfissaasinnaavoq, tunisassiat qimmit nerukkaatissaattut atornissaannut eqqortumik inuussutissartaqartut paasineqarpat.

Siunnersuuteqartoq Naalakkersuisut isumaqatigaat, sumiiffinni ataasiakkaani inuussutissanik tunisassiorneq periarfissaqarmat, nunani allani tunisassiat annertuut eqqussuunnerilu akisuut appartinnissaannut periarfissaqarluni, tunisassiorfinnilli taamaattunik aallartitsiniartarneq namminersortunut isumagittinneqartariaqartoq. Taamaakkaluartoq nunap immikkoortuini inuussutissarsiuutinik ineriartortitsinerimut ilaatinneqartariaqartoq Naalakkersuisut isumaqarput.

Sammisaq pillugu eqeersimaartumik oqallinnissaq Naalakkersuisut qilanaaraat.